



Protection visa

Muda konversa kona-ba Protection visas

Protection visa (subklasse 866) fó ba ema sira ne'ebé buka azilu ho jenuínu no enfrenta risku réal atu hetan danu signifikativu ka persegisaun iha sira-nia rai.

Governu Austrália agora daudaun fó asesu ba **konsellu legál gratuitu** ba ema sira ne'ebé konsidera daudaun atu aplika ba Protection visa. Konsellu ne'e sei ajuda ema sira ne'ebé dala ruma sei aplika ba Protection visa hodi buka hatene sekarak sira elejivel ka lae, no hamenus risku katak ema sira ne'e uza asesór migrasaun ne'ebé la rejistadu ne'ebé dala ruma fó konsellu la loos.

Folla informativa ne'e fó informasaun esensial no detalhe importante ba sira ne'ebé konsidera daudaun atu aplika ba Protection visa.

Iha faktu saida de'it?



Protection visas fó ba ema sira **ne'ebé buka azilu ho jenuínu**. Protection visas la fó ba ema sira ne'ebé hakarak de'it hela kleur tan iha Austrália hodi serbisu



Se Ita fó informasaun falsa iha aplikasaun ba Protection visa, Ita bele hetan **pena prizaun no multa boot**



Se Ita-nia aplikasaun ba Protection visa hetan rejeita, bele susar ba Ita ka Ita-nia família atu **tama fali ba Austrália** iha futuru



Maizumenus númeru aplikasaun ba Protection visa mak hetan **rejeita liu 85%**



Aplikasaun ba Protection visa husi sidadaun Pasifiku no Timor-Leste iha númeru aas tebes ne'ebé hetan rejeita. Ba maioria husi nasaun sira ne'e, liu 90% husi aplikasaun ne'ebé finalizadu iha 2023-24 **la kumpre rekizitu sira no hetan rejeita**



La **bele** husik ema seluk aplika ba Protection visa hodi Ita-nia naran sein komprende saida mak Ita aplika ba, no informasaun saida mak fó iha aplikasaun



Ita tenke garante katak buat hotu iha Ita-nia aplikasaun mak loos, mezmuke ema seluk prienxe hodi Ita-nia naran

Elejibilidade

Protection visas fó ba ema (ka sira-nia membru família) **ne'ebé enfrenta risku réal atu hetan danu signifikativu** se sira fila ba sira-nia rai ka possibilidade réal atu hetan persegisaun bazeia ba:

- rasa
- relijiaun
- nasionalidade
- sai membru iha grupu sosiál partikular ka
- opiniaun política

Informasaun sala

Iha informasaun sala barak kona-ba Protection visas ne'ebé fó daudaun ba ema sira ne'ebé moris iha Austrália no rai-li'ur, ne'ebé bele hamosu **konsekuénsia séria** ba ema sira ne'ebé aplika ba Protection visa no sira-nia família. Protection visas fó ba ema sira ne'ebé buka azilu ho jenuínu. Protection visas **la fó ba ema sira ne'ebé** hakarak de'it hela kleur tan iha Austrália hodi serbisu.

Agora daudaun maioria husi aplikasaun foun sira ba Protection visa hetan desizaun **kuaze dala 8 lailais liu** kompara ho tinan hirak ikus ne'e.

Saida mak akontese se Ita fó informasaun ne'ebé falsu ka inkorreto

Importante atu komprende se Ita fó dokumentu falsu ka fó informasaun ne'ebé falsu ka inkorreto iha aplikasaun ba Protection visa, Ita **bele hetan multa boot** no pena prizaun to'o **tinan 10**.

Se Ita-nia aplikasaun ba Protection visa rejeitadu

Se Ita-nia aplikasaun ba Protection visa mak rejeitadu, no Ita la kaer vistu válidu, **Ita tenke sai husi Austrália**. Se Ita la iha vistu válidu, dala ruma Ita bele hetan **detensaun no hasai** husi Austrália husi **Australian Border Force (Forsa Fronteira Austrália)**.



Protection visa

Muda konversa kona-ba Protection visas

Keta aplika ba Protection visa molok buka [konsellu legál gratuitu](#) husi espesialista forneseidór konsellu legál kona-ba refujiadu no imigrasaun.



Informasaun ne'ebé tenke lembra

- Hetan asesu ba [konsellu legál gratuitu](#) husi **especialista forneseidór konsellu legál kona-ba refujiadu no imigrasaun** iha nia estadu ka territóriu
- Hodi **hetan informasaun** liután kona-ba Protection visas, haree homeaffairs.gov.au/protection
- Buka **ajente migrasaun ne'ebé rejistadu** hodi garante Ita-nia konsellu imigrasaun mak legál ho haree [Gabinete Autoridade Rejistu Ajente Migrasaun sira \(OMARA\)](#)
- Proteje Ita-nia an rasik no Ita-nia comunidade. Informa [Austrália nia Monitorizasaun Fronteira](#) ho anónimu kona-ba **asesór migrasaun sira ne'ebé ilegál**
- Buka hatene **sekarik opsau alternativa ba vistu** sira bele apropriadu ba Ita, haree [webpage hodi buka vistu](#) iha website Home Affairs



Konsekuénsia sira se aplikasaun ida hetan rejeita

Se Ita-nia aplikasaun ba Protection visa iha Austrália hetan rejeita, **sei mantein nafatin iha Ita-nia rejistu imigrasaun**, ne'ebé dala ruma halo susar ba Ita no Ita-nia família atu vizita Austrália iha futuru. Bele mós fó impaktu ba aplikasaun ba vistu iha futuru ba nasaun sira seluk iha mundu tomak, depende ba tipu vistu ne'ebé Ita aplika ba. **Ita sei la iha autorizasaun** atu aplika ba maioria husi vistu sira seluk durante Ita iha Austrália laran.

Ajente migrasaun sira

Iha Austrália, ajente migrasaun sira tenke rejistadu ho [Gabinete Autoridade Rejistu Ajente Migrasaun \(OMARA\)](#). Ita bele haree website ne'e hodi verifika sekarak ajente ida rejistadu ka lae.

Ne'e **ilegál** se ema ida husu Ita atu selu kustu ba konsellu migrasaun ne'e la'ós ajente migrasaun rejistadu ka profisionál jurídku Australianu. Se Ita selu hodi hetan konsellu husi ema ida ne'ebé la'ós ajente migrasaun ne'ebé rejistadu ka profisionál jurídku Australianu, dala ruma Ita sei foti asaun bazeia ba informasaun inkorreta, no bele iha **risku ba Ita atu lakon possibilidade ruma ne'ebé eziste hodi hela iha** Austrália.

Asesor migrasaun sira ne'ebé la rejistadu sira dala barak anunsia sira-nia servisu sira iha média sosiál no iha grupu chat sira online. Dala ruma sira fó-hatene rekerente sira atu fó informasaun falsa ka inkorreta ka atu fó dokumentu falsu sira bainhira aplika ba Protection visa, no **balu husu osan boot** ba konsellu ne'ebé la loos ne'e.

Se ema ruma koko atu fó asisténsia imigrasaun ilegál ba Ita, bele fó-hatene ami ho uza Border [Watch Online Report](#) (Denúncia Online kona-ba Monitorizasaun Fronteira). Ita la presiza fó Ita-nia naran.

Komunidade sira-nia papél

Komunidade sira ne'ebé hela iha Austrália hala'o papél importante hodi **prevene ema sira ne'ebé habelar informasaun sala** ba ema sira ne'ebé konsidera daudaun atu aplika ba Protection visa, inklui informa ema sira ne'ebé dala ruma atu aplika ba **Protection visa katak ida-ne'e la'ós vistu serbisu**.

Komunidade sira bele ajuda hodi hasa'e konxiénsia kona-ba **risku sira bainhira entrega informasaun ne'ebé falsu ka inkorreto** iha aplikasaun ba Protection visa, no uza asesor migrasaun ne'ebé la rejistadu.

Se ema ruma ne'ebé aplika ba Protection visa husu Ita atu hakerek surat ida hodi suporta nia, Ita só bele halo ida-ne'e se Ita fiar metin katak nia ema **ne'ebé buka azilu ho jenuínu** no enfrenta risiko réal atu hetan danu signifkativu ka iha possibilidade réal katak nia sei hetan persegisaun se nia fila ba nia rai.

Enkoraja ema ne'e atu asesu [konsellu legál gratuitu](#) husi espesialista forneseidór konsellu legál kona-ba refujiadu no imigrasaun iha nia estadu ka territóriu.

Haree homeaffairs.gov.au/protection hodi hetan informasaun liután



Australian Government